

Acabado XEL 00/00/2014

16



NÚMERO DE EXPEDIENTE: 10170/306
ASUNTO: CONVENIO CON "CRUZ VERMELLA ESPAÑOLA"
DE ASISTENCIA SANITARIA DE PRIMEIROS AUXILIOS E
TRANSPORTE SANITARIOS EN DETERMINADOS AREAIS
DO TERMO MUNICIPAL DE VIGO PARA O ANO 2014.

**CONVENIO ENTRE O CONCELLO DE VIGO E A CRUZ VERMELLA ESPAÑOLA PARA O
SERVIZO DE PRIMEIROS AUXILIOS E TRANSPORTE SANITARIO NOS AREAIS 2014.**

En Vigo, 12 de xuño de 2014.

REUNIDOS:

Dunha parte:

D. Abel Caballero Álvarez, na súa condición de alcalde-presidente do Excmo. Concello de Vigo, no exercicio das facultades de representación atribuídas pola lexislación de Réxime local (Art. 61.1.a da L.5/1997, do 22 de xullo, (LALGA) e 124.4.a da L. 7/1985, do 2 de abril, (LRBRL)), asistido pola titular do órgano de apoio á Xunta de Goberno Local, D^a. Concepción Campos Acuña.

Doutra:

D. Domingo Santamarina Barreiro, delegado especial do Comité Comarcal de Cruz Vermella Española en Vigo, en virtude do nomeamento de data 16 de xaneiro de 2012 do presidente de Cruz Vermella Española, en representación desta.

Os dous, de mutuo acordo

MANIF E STAN

PRIMEIRO: Que a Cruz Vermella Española, institución humanitaria de carácter voluntario e de interese público, está configurada legalmente como auxiliar e colaboradora das administracións públicas nas actividades humanitarias e sociais impulsadas por estas.

SEGUNDO: Que entre os fins estatutarios da Cruz Vermella Española figura a promoción e a colaboración de accións de benestar social de servizos asistenciais e sociais, con especial atención a colectivos ou a persoas con dificultades para a súa integración social. A prevención e reparación de danos orixinados por sinistros, calamidades públicas, conflitos, enfermidades e epidemias. A cooperación en programas de prevención sanitaria, accións de tipo asistencial e reparador no campo da saúde, e en xeral, o exercizo de toda función social e humanitaria, compatible co espírito da institución.



Todo iso, baixo os principios de humanidade, imparcialidade, neutralidade, independencia, voluntariado, unidade e universalidade.

TERCEIRO: Que ao abeiro do Real decreto 415/96, do 1 de marzo, polo que se establecen as normas de ordenación da Cruz Vermella Española, e dos seus estatutos, aprobados por Consello de Ministros o 22 de abril de 1998 e en cumprimento da R(85) 9, do 21 de xuño do Comité de Ministros do Consello de Europa sobre traballo voluntario en actividades sociais, a Cruz Vermella é unha entidade idónea para contribuir ao desenvolvemento da política social do Concello de Vigo.

CUARTO: Que é competencia municipal, a prestación do servizo de salvamento e socorrismo nos areais de acordo coa lexislación sectorial reguladora da materia. O artigo 115.d) da Lei 22/1988, do 28 de xullo, de costas, sinala como competencias dos concellos, nos termos da lexislación das CC.AA., manter as praias e os lugares públicos de baño nas debidas condicións de limpeza, hixiene e salubridade así como vixiar a observancia das normas e instrucións ditadas pola Administración do Estado sobre salvamento e seguridade das vidas humanas.

A Orde de 31 de xullo de 1972 (BOE 02/08/1972) pola que se ditan normas e instrucións para a seguridade humana nos lugares de baño, establece no artigo 11 que "corresponde aos Concellos vixiar a observancia nos lugares de baño destas normas xerais e instrucións sobre o mantemento do material de salvamento e demais medidas de seguridade para as vidas humanas", e nos artigos 6 a 9 sinala os servizos de clasificación do areal, de vixianza, de auxilio e salvamento.

QUINTO: A Cruz Vermella está disposta a colaborar co Concello no servizo de primeiros auxilios e transporte sanitario das praias, para o que pon á disposición deste a infraestrutura, os recursos materiais e o máis importante, o elemento humano: os voluntarios. Este servizo representa unha carga económica para a Cruz Vermella, considerando o gasto que supón a formación, a amortización e mantemento do material, a reposición do material funxible, o combustible de ambulancias, a reposición de gastos de manutención e transporte dos voluntarios, etc.

Por conseguinte, ambas partes formalizan de mutuo acordo este convenio de colaboración nos areais, de acordo coas seguintes:

ESTIPULACIONES

PRIMEIRA: A Asemblea Comarcal da Cruz Vermella Española de Vigo, comprométese a realizar o servizo de primeiros auxilios e transporte sanitario nos areais de Samil, Illas Cíes (praia de Rodas), Vao, Tombo do Gato (antigamente, A Fonte), Canido, Argazada, Teis e



Fontaiña, durante a época estival do presente ano. (Nas datas e horarios que se detallan no anexo I e de acordo co disposto na cláusula duodécima do presente convenio).

Non é obxecto do presente convenio a cobertura de salvamento no mar nin a vixilancia dos areas anteriormente citadas.

SEGUNDA: Para levar a cabo o referido servizo, a Asemblea Comarcal da Cruz Vermella Española de Vigo comprométese a achegar os recursos materiais e humanos relacionados no documento anexo II e que previamente determinou o Concello como suficientes para a realización do servizo. Manifestan, por tanto, que con iso a Cruz Vermella se fai cargo da xestión dunha parte das competencias que a lei lle atribúe ao Concello e que do resto o único responsable será o Concello.

TERCEIRA: Que a Asemblea Comarcal da Cruz Vermella Española de Vigo achegará durante a vixencia do presente convenio o material da súa propiedade relacionado no anexo II.

CUARTA: A Cruz Vermella Española acreditará que todo o persoal asignado ás actividades asumidas pola institución en virtude deste convenio realizou os correspondentes cursos de formación, e que deberá estar en posesión dos cursos de socorros e emerxencias ou primeiros auxilios ou de transporte sanitario, segundo o tipo de actividade ao que estea adscrito; así como aquelas outras titulacións específicas que esixa o desempeño das tarefas que lles fosen encomendadas.


QUINTA: O Concello de Vigo comprométese a sinalizar a localización dos postos de primeiros auxilios, a establecer accesos e mantelos accesibles para as ambulancias.

SEXTA: O cambio de bandeiras de sinalización de utilización de areas será responsabilidade do Concello de Vigo.

SÉTIMA: A Asemblea Comarcal da Cruz Vermella Española comprométese a efectuar os pagamentos necesarios motivados polas accións comprendidas neste convenio, así como a presentar mensualmente informes sobre o desenvolvemento do servizo e as estatísticas de atención.

OITAVA: Cada unha das entidades asinantes será responsable do cumprimento da normativa reguladora do tratamento de datos de carácter persoal, e ambas as dúas comprométese a dar cumprimento ao disposto na Lei orgánica 15/1999, do 13 de decembro, de protección de datos de carácter persoal.

NOVENA: En caso ningún esta prestación suporá relación laboral ningunha entre o persoal da Cruz Vermella e o Concello de Vigo.



DÉCIMA: Polo período de vixencia do convenio, o Concello de Vigo aboaralle á Cruz Vermella Española a cantidade de 152.214,91 euros, IVE engadido (cento cincuenta e dous mil douscentos catorce con noventa e un €) con cargo a partida núm. 1721.2279905 de asistencia sanitaria en praias, do orzamento para o ano 2014.

Cruz Vermella Española emitirá factura detallada dos gastos realizados, o 15 de cada mes (xullo, agosto e setembro).

O pagamento realizarase tras a presentación da correspondente factura por parte da Cruz Vermella Española que deberá conformar a Área de Medio Ambiente

O último pago realizarase previa presentación da correspondente Memoria por parte de Cruz Vermella Española na que deberán detallarse os servizos prestados e certificación do cumprimento do Convenio expedida polo Área de Medio Ambiente.

UNDÉCIMA: Créase unha comisión paritaria que formada por parte do Concello de Vigo por:

- A Concelleira-delegada de Medio Ambiente ou persoa en quen delegue.
- O Xefe da Área de Medio Ambiente.
- Un representante de Protección Civil do Concello.

Por parte da Cruz Vermella:

- O presidente da Asemblea Comarcal ou persoa en quen delegue.
- O coordinador xeral da Asemblea Comarcal.
- O responsable do servizo de areas.

Ambas partes recoñecen esta comisión como válida para realizar as funcións de seguimento, coordinación e control, así como para resolver calquera controversia que poida xurdir tanto da interpretación como da aplicación do presente convenio.

DUODÉCIMA: O presente convenio de colaboración entrará en vigor o día 15 de xuño de 2014 e estará vixente ata o día 15 de setembro de 2014.

DÉCIMO TERCEIRA: A resolución de calquera cuestión, incidencia ou controversia que se derive da interpretación e execución deste convenio, e que non poida resolver a Comisión Paritaria; ambas partes sométense de modo expreso á Xurisdicción e Tribunais de Vigo, con renuncia expresa ao seu propio foro se o tiveren.



O presente convenio ten natureza administrativa, rexendose polo dereito administrativo e supletoriamente polas normas do dereito privado. A orde xurisdiccional será o contencioso administrativo en todo caso.

E en proba de conformidade, as partes asinan por cuadruplicado o presente Convenio, rubricado en todos os folios e anexos estendidos nunha soa cara, no lugar e na data arriba indicados.

O alcalde de Vigo

Abel Caballero Álvarez

O Delegado do Comité Comarcal
da Cruz Vermella Española

Domingo Santamarina Barreiro

Dou fe,
A titular do órgano de apoio á Xunta de Goberno Local,

Concepción Campos Acuña



ANEXO I -DATAS E HORARIOS DE CADA POSTO

Posto no areal de Samil

-LUGAR: posto de primeiros auxilios emprazado no Centro de Coordinación de Emerxencias en Praias no paseo do areal de Samil.

-DATAS DE ATENCIÓN: Do 15/06/14 até o 15/09/14.

- HORARIO: Nos meses de **xuño e setembro:**

De luns a venres de 15:30 h a 20:00 h.

Fins de semana de 11:00 h a 20:00 h.

- Nos meses de **xullo e agosto**

De luns a domingo de 11:00 h a 20:00 h

Posto no areal do Vao

-LUGAR: situado no areal do Vao.

-DATAS DE ATENCIÓN: do 15/06/14 até o 15/09/14.

- HORARIO: No meses de **xuño e setembro:**

De luns a venres de 15:30 h a 20:00 h

Fins de semana de 11:00 h a 20:00 h

- Nos meses de **xullo e agosto**

De luns a domingo de 11:00 h a 20:00 h.

Posto na Praia de Rodas nas illas Cíes

-LUGAR: situado no lado norte do areal de Rodas nas illas Cíes.

-DATAS DE ATENCIÓN: do 15/06/14 ao 15/09/14

-HORARIO: Nos meses de **xuño e setembro:**

Dende o barco das 10:15 h. Vigo- Illas Cíes ata o barco das 20:00 h. Illas Cíes – Vigo. Fins de semana.

Nos meses de **xullo e agosto:**

Dende o barco das 10:15 h. Vigo- Illas Cíes ata o barco das 20:00 h. Illas Cíes - Vigo. Atención diaria



Posto no areal do Tombo do Gato (A Fonte)

-LUGAR: posto de primeiros auxilios situado na praia do Tombo do Gato.

-DATAS DE ATENCIÓN: do 15/06/14 ata o 15/09/14.

-HORARIO: Nos meses de **xuño e setembro:**

Fins de semana de 11:00 a 20:00 h

Nos meses de **xullo e agosto:**

De luns a domingo de 11:00 h a 20:00 h

Posto no areal de Canido

-LUGAR: posto de primeiros auxilios na praia de Canido.

-DATAS DE ATENCIÓN: do 01/07/14 até o 31/08/14.

-HORARIO: De luns a venres de 15:30 h ata as 20.00 h;

Fins de semana de 11:00 h a 20:00 h.

Posto no areal de Argazada (Samil 2)

-LUGAR : posto de primeiros auxilios situado no areal de Argazada

-DATAS DE ATENCIÓN: Do 01/07/14 ata o 31/08/14.

-HORARIO: De luns a domingo de 11.00 horas ata as 20.00 horas.

Posto no areal da Punta

-LUGAR: posto de primeiros auxilios situado na praia de Teis.

-DATAS DE ATENCIÓN: do 01/07/14 ata o 31/08/14

-HORARIO: De luns a venres de 15:30 h a 20:00 h

Fins de semana de 11:00 h a 20:00 h.

Posto no areal de Fontaiña

- LUGAR: posto de primeiros auxilios situado no areal de Fontaiña.

- DATAS DE ATENCIÓN: do 1/07/14 ata o 31/08/14

- HORARIO: De luns a venres de 15:30 h a 20:00 h.

Fins de semana de 11:00 h a 20:00 h.



ANEXO II - RECURSOS QUE APORTA A CRUZ VERMELLA

Posto no areal de Samil

-MEDIOS HUMANOS: 3 socorristas de primeiros auxilios
2 conductores
1 D U E

-MEDIOS MATERIAIS: ambulancia e material sanitario. O posto fixo é de titularidade do Concello

Posto no areal do Vao

-MEDIOS HUMANOS: 2 socorristas de primeiros auxilios.
1 conductor – socorrista

-MEDIOS MATERIAIS: material sanitario. O posto fixo é de titularidade do Concello.

Posto no areal de Rodas nas illas Cíes

-MEDIOS HUMANOS: 1 médico ou D U E (meses de xullo e agosto)
2 socorristas de primeiros auxilios

-MEDIOS MATERIAIS: Posto fixo e material sanitario

Posto no areal de Tombo do Gato (A Fonte)

MEDIOS HUMANOS: 2 socorristas de primeiros auxilios

-MEDIOS MATERIALES: posto de primeiros auxilios alugado e material sanitario.

Posto no areal de Canido

-MEDIOS HUMANOS: 2 socorristas de primeiros auxilios.

-MEDIOS MATERIAIS: posto de primeiros auxilios alugado e material sanitario.



Posto no areal de Argazada (Samil 2)

-MEDIOS HUMANOS: 2 socorristas de primeiros auxilios.

-MEDIOS MATERIAIS: posto de primeiros auxilios alugado e
material sanitario.

Posto no areal da Punta (Teis)

-MEDIOS HUMANOS: 2 socorristas de primeiros auxilios.

-MEDIOS MATERIAIS: posto de primeiros auxilios alugado e
material sanitario.

Posto no areal de Fontaiña

-MEDIOS HUMANOS: 2 socorristas de primeiros auxilios.

-MEDIOS MATERIALES: posto de primeiros auxilios alugado
e material sanitario.